

ciao, mama

Li 'n longa a 'na frutara
iluminada al sol
ghe' 'na putela splendida
'ngropada a far fagot

la s'é gatada 'n nìo
par viver la sò storia
a 'n colp de vent lontana
da la sò mama cara

che col pensier en man
se racomanda al ciel
che quela nōva strada
la pōdia far del ben

a quela bela fiōla
che 'l cōr sò, se spetava
che prima o dopo faga
quel pas che 'l pesa 'n pōc

ma con na lagrimota
che slusega sui oci
la fiōla cara e bona
la ghé careza el cōr

e la ghé dis: ti mama
no farte 'na pasion
se 'ndrizo la me strada
dré a quel che 'l dis el cōr

chi dentro i me pensieri
giò 'n font vizin a l'anima
resta par sempro 'l ben
che ti me fas sentir

anca se son lontana
chi an colpetin de vent
en pōc del cōr sinzero
te stará sempro arent

Giuliano

Dedicato al trasloco di un amica, la Francy , anzi, a quello che penso lei lasci
nella casa dove ha vissuto finora, o, forse alla sua mamma.